

Broj: 3064-III/25
Sarajevo, 17.03.2025.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Predsjedavajući/Predsjedatelj

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 20-03-2025			
Org. jed.	Broj	Priloga	Vrijednost
05/1	-02-	109	/25

- Co. VLADA FEDERACIJE BOSNE I HERCEGOVINE
n/p gđa. Edita Kalajdžić, sekretar Vlade
- Co. FEDERALNO MINISTARSTVO FINANSIJA/FINANCIJA
n/p gosp. Toni Kraljević, ministar

Predmet: **Odgovor na zastupnička pitanja**
 Veza akt, broj: 05/1-02-109/25 od 27.02.2025. godine

Aktom predsjedavajućeg Predstavničkog/Zastupničkog doma Parlamenta Federacije Bosne i Hercegovine, broj: 05/1-02-109/25 od 27.02.2025. godine, traži se odgovor na zastupnička pitanja gospodina Aliefendić Almedina, zastupnika u Predstavničkom/Zastupničkom domu Parlamenta Federacije Bosne i Hercegovine.

Zastupnička pitanja prema Vladi Federacije i Razvojnoj banci Federacije BiH:

1. Koji su razlozi za stavljanje van snage odluke o regresiranju kamata Kreditno-garantnog fonda?
2. Postoji li mogućnost ponovnog razmatranja ove odluke i vraćanja iste na snagu?
3. Kakvi su dalji planovi Vlade Federacije BiH i Razvojne banke Federacije BiH u vezi sa funkcionisanjem Kreditno-garantnog fonda –da li će fond biti u potpunosti zatvoren ili je u planu redefinisane njegove uloge?

Odgovori Razvojne banke Federacije BiH:

Pitanje broj 1. i broj 2.:

Donošenje odluka o regresu kamata po Kreditno-garantnim programima nije u nadležnosti Razvojne banke Federacije BiH (u nastavku: Banka) već isključivo u nadležnosti Vlade Federacije BiH, te s tim u vezi nismo u mogućnosti odgovoriti na ova pitanja, ali u nastavku dajemo pojašnjenja u vezi Garancijskog fonda i regresa kamata po Kreditno-garantnim programima.

Uredbom o načinu finansiranja i upravljanja Garancijskim fondom („Službene novine FBiH“, broj 44/20) uspostavljen je Garancijski fond kao poseban novčani fond u okviru Banke, kojim upravlja Vlada Federacije BiH.

Predmetnom Uredbom Banka je zadužena da u ime i za račun Federacije BiH izdaje garancije Garancijskog fonda komercijalnim bankama kao instrument obezbjeđenja 50% glavnice kredita koje komercijalne banke odobre privrednim subjektima, kao i za poslove administriranja Garancijskog fonda.

U skladu sa članom 13. Uredbe Vlada Federacije BiH je usvojila pet (5) Kreditno-garantnih programa na prijedlog resornih ministarstava, kako slijedi:

- Kreditno garantni program za velika preduzeća i Kreditno garantni program za izvoznike, na prijedlog Federalnog ministarstva energetike, rudarstva i industrije,
- Kreditno garantni program za mikro, mala i srednja preduzeća i Kreditno garantni program za obrtnike i ostale samostalne privredne djelatnosti, na prijedlog Federalnog ministarstva razvoja, poduzetništva i obrta,
- Kreditno garantni program za poljoprivrednu i prehrambenu industriju, na prijedlog Federalnog ministarstva poljoprivrede, vodoprivrede i šumarstva.

Uredbom je jasno definisana uloga Garancijskog fonda, te istom **nije definisan regres kamata krajnjih korisnika kredita.**

Regres kamata korisnicima po pojedinačnim Kreditno-garantnim programima je u prethodnim godinama omogućen kroz posebne odluke Vlade Federacije BiH o usvajanju programa utroška sredstava utvrđenih Budžetom za svaku pojedinačnu godinu na prijedlog resornih ministarstava, a kao rezultat nastojanja Vlade Federacije BiH za nastavak iznalaženja mjera pomoći privredi Federacije BiH usljed teškoća u poslovanju privrednih subjekata izazvanih pandemijom COVID 19 i globalnih posljedica rata u Ukrajini.

Regres kamata korisnicima kredita po Kreditno garantnom programu za velika preduzeća i Kreditno garantnom programu za izvoznike vršen je svake godine uključujući i 2024. godinu, a po Kreditno garantnom programu za mikro, mala i srednja preduzeća i Kreditno garantnom programu za obrtnike

za svaku godinu (i to za djelatnosti definisane odlukom Vlade Federacije BiH o usvajanju programa utroška sredstava utvrđenih Budžetom za svaku pojedinačnu godinu) izuzev za 2024. godinu.

Uloga Banke u procesu regresiranja kamata je da prikupljene podatke od komercijalnih banaka o iznosu uredno naplaćene kamate po kreditima krajnjih korisnika, na kvartalnom nivou proslijedi u Trezor Federacije BiH radi isplate, a što spada u kategoriju poslova administriranja.

Pitanje broj 3.:

Garancijski fond se od perioda osnivanja do danas pokazao kao izuzetno uspješan, efikasan, novi i jedinstven instrument obezbjeđenja kredita na tržištu Federacije BiH, na način da su krediti krajnjih korisnika kredita u komercijalnim bankama u 50% iznosu obezbjeđeni garancijom Garancijskog fonda. Ukupan iznos datih garancija ne može biti veći od peterostrukog iznosa ukupnih sredstava Garancijskog fonda, te isti funkcioniše na revolving principu i kao takav će funkcionisati i u budućnosti.

U prilog navedenom govori činjenica da je od 2020. godine do danas, Banka izdala 1.050 garancija komercijalnim bankama u iznosu 336 miliona KM, na koji način se omogućio plasman 672 miliona kreditnih sredstava za 578 privrednih subjekata u Federaciji BiH, a u svrhu stvaranja uslova za održivi rast privrede i zapošljavanja kroz pokretanje novih poslovnih aktivnosti, rast i razvoj postojećih aktivnosti, povećanje konkurentosti, inovacija i zapošljavanja.

Za sva dodatna pitanja i informacije stojimo na raspolaganju.

S poštovanjem,



v.d. Predsjednik Uprave

Borislay Trlin